


www.BibleForChildren.org



Génesis 6



A qué yingome uaque jne
Noé uté isocade. Jnani uté
ate ujñapetaguipise nanique
enga jecucha pésu Dupade
ojningane cucha nanique.



Enga gusu uté nanique iji dojode
jnanío ujade uje pésu Dupade
ajegaidode nanique. Enga
Pangarádejnai Dupade chimo
uje ore chécãre uruode quigode
enga ore pésu dajegaidode
cucha gatuácapo ome
re rĩ.



Enga Dupade que chise ate
onique iji ore ujade, gusu ate
gajnaréngone iji erámi údode
jnese nanique.



Enga jé u nanique uje Dupade catecãri Noé
to nanique enga chojningame: "Noé á, a
yĩro pisijnaringuéone ipesungórone ore
jnese iji erámi údode jne. Máraque
ore jnese gu ome dasijnaringuéone
ome yu."



"Enga que ore isijnaringuéone doi jnutígome
ñane ome dajocaningane. Que gusu ore
mu a yátaja erámi jogonórone cucha
uñane ore jnese to jne rĩ iji erámi
údode jnese ujetiga yejna ore."



Enga Dupade qué jno daruode údi ome Noé
enga chojninga: "Be ga apésu cucórique
jne iji poridie uñáringui uje udire irisode
etoguípíso ome dojodie pore ore.

Enga apésu ujetiga ajéode jieí jne
mu ajéode cãra ome ñane jne."



"Enga be cucha otate utatai uje tórají jnumi
enga apésopo gaté rĩ enga jé u ujeta ameso
cucoi cutádode ujade ome jetiga catája
ñane ome, jé iji ajei, guesi ore jnese.
Yigaidi tu gu ujetiga ca yotique
chacája ajei."



Enga apésu bapesudi
cuco aja eruéode jnese
jne mu angara
ajéningome ñane
jne. Enga
ósi tome

jne: enga
135 métrodie
iji umaningai iji
jnumi jne. Jé basa ga
a chise 22 métrodie mu
nóna métró pébi to jne iji
pajei jne.



Jé basa ga a chise 13
métrodie mu nóna
métró pébi to jne iji ójo
yui iji gaté yui.




“Enga be cucha pibosode
enga ãrája cucoi to ome
uaque, jé upome cuchisode
to rĩ ujetiga ore tagu
dabosode iji ajei to.”



Enga bé cuchisode enga ajnime chequé, choqui ore iji
cuchiso chojmarara, chojmarane ore jne enga ajnája
cucoi ga ãrája cucoi ajei.



Yigaidi tu gu ujetiga ore nóna uágaja cucoi ajei enga jé
u ujetiga uacaquecáyo iji uté ajei jnese jne, enga
cuchisode a jé cho uaque ujetiga ore eca to.



Mu ujetiga dosipeque cuchisórique uje e
yingome uaque ujetiga êcho ore ome yu
enga ãra ore aja cucoi ajei to
enga gare iji ti choquírigo
jne, jé aja chequérigui rĩ
garapo iji ti to jne rĩ.




Jé basa ga cuchisode uñane enga
chojmára jne chequéraque,
chojmárapo choquírique jne rĩ
jetiga ãra ore aja cucoi
ajei to.





Uje
cáma
beque nanique
enga Noé uté
chacája dapesudi
cuco ajei nanique enga
nóna dacoté taja, jé aja
dajnacarode ore, jé aja
dacaridie rĩ. Ore gaidi tu gu
ujetiga cucoi tuté chãraque ore
nanique ome gue dequejnangóri.






Enga Noé
guejnanie
sequerei e chise
600 años nanique uje
cuchade udore e tocade.
Mu cáma jnani bajade pésu
guedosíode íode nanique enga
gusu uje ore chisecãru dirode
batigade nanique.



Jecute dirode
e chise 17
nanique iji guedosi
bajai uéchaminóre
gatei uje guei tórají yote
quedéjnai údi enga cho jnipe,
jnipe aja gaté enga jé u uje
ibisógaja gaté enga yote quedéjnai
quérã gaté. Enga cho ujetiga
cuchárique chuchẽre gaté gai to
enga yodi tórají gaté nanique to
enga cho corágaja jnumi, yodi.





Enga beque
nanique
ga que cha
nanique iji dejade,
dirode ore jnese
enga dejade chise dejnane ayoré
gare uje beque nanique. Ga jé
chopome dirode rĩ uje beque nanique.

Enga yodi jé ate nanique uje
chicáji gaté, gaté mu jé cho
cucoi nanique uje diguiji yodi
gai nanique.



Enga yodi jé ate nanique uje chicáji gaté, chicáji gaté
enga chaco cucaranone gáyode jnese. Jé chuságaja
cucarãte umarone to uje chaco udore gáyode jnese to
iji erámi údode jnese. Enga jé u uje cucha uecade
jnese iji erámi údode ore toi jnese. Uje cuchade ujñari
déji nanique mu que cuchade udore chapídome
Dupade ujuyaquédatéi tuté nanique.



Dirode udore quigade nanique enga
Dupade áyipie doi Noé ore nanique. Jé
aja cuchisode to rĩ iji cucoi ajei. Ga jé u
nanique uje Dupade chiroque emi aja
erámi nanique ujeta chubúchu yodi
jetiga doi jnumi, doi
jnumi, doi jnumi,
doi jnumi
nanique.





Enga dirode guejnanie
ayoré gare nanique iji udojo
quigade uje Noé doi enga
chuchêre dapesudi cuco
piago ajámi gai nanique. Dire
uñai nanique rĩ enga Noé dopoi
cucujnadatai rĩ enga e
tõrapo nanique rĩ.




Enga gaidi tu nanique jeta
cucujnadatai chisírase jnupe
cajnónique nanique.



Mu chise guedosi ejoi nanique uje ore isecaranone
dire e chise 27 engá jé u nanique uje jnumi
cajnoripise ga ueradipise rĩ. Engá jé u
nanique uje Dupade catecãrápoi
Noé nanique rĩ.



Enga chojningame: "Noé á, be guesi tiji cucoi ajei
te á, bacoté uaté, bajnacarode, bacaridie
ore rĩ. Beyoi guesi jnese tiji cucoi ajei."



Enga jé u nanique uje Noé pésu daserani tome Dupade
gajnéone dosipécho.
Enga jé u uje doi
dosipeque chojmara,
chojmara, chojmarane iji
cuchisode ujade jetiga
chujé ore jnese enga
chibore ore iji daserani
ome Pangarádejnai
Dupade.



Enga a yicha
aquesúraque aja
gaté yui jne enga
a arajáyo jne ome
uaté uje yuruode e
tocade.



Enga ujetiga
yiroque gue
abujárigui aja
gatéode jne enga a
nóna aquesúrigui aja
gatéode jne. Enga a jé u jne
ujetiga yimo yipesudé

tuaqué iji gaté enga
a yujnusina yuruode
jne ome jnanione,
cuchiso ponáyone uaque
jnese jne enga a ca
yirógapo gue cuchátigaja
erámi to jne rĩ.



Ga jé u nanique uje
Dupade chopo darúja Noé,
ujnacarode ore nanique enga
chojninga: "A jiépisi uacatígo enga
a ore chĩretápo erámi údode
jnese jne rĩ."



"Enga Noé ujnacarode
uje ore doi guesi iji cucoi ajei
nanique enga ore íode u udojo:
Sem u uñai, jé basa uñai i tu Cam
uje Cam uté abi i tu Canaán
nanique, jé basa uñai i tu
Jafet nanique."



Enga erámi unirisórone ore
gãrapíode u Noé ujnacare
gadiógode udojo ore nanique,
jé aja udore ape disi ejode.



Enga Dupade chijnorapise erámi
jogosórone ore. Jecute tẽra dajnacare
ugurui ome ore. Ujetiga gosi changureta
enga gajneque pucuecaringué
eyúgojmai iji deréjnane jnese.
Enga a ca chimo Dupade
ujuyaquédatéi jne
ome re.



Romános 3:23 Chamáñaje sijnaque yoque jnese gu. Enga
que toque go Dupade ingoningájnai úringárique
diquiyágame yoc.

Romános 6:23 Pisijnaringuéone a cho darógode oré jne,
enga oré u pitoringai ome ore. Jé basa Dupade guërate
bisidei u pucuecaringué eyúgojmai ga gose
Yocangarádejnai Jesucrístó adode ome uyoc.

Hebréos 9:27 Adi jé u uje yitogoi enga chojmára to. Enga
quigade u uje pajirique yocadode aja quigode enga
pipesute yoquiquigode rĩ.

Efésios 2:8,9 Jecute adójnacho uje Dupade e chiqueta
uaque gu dacaniratiguédatéi ome uacanguretigai iji uté.
Enga que garani u uacadode uñeque go. Mu Dupade
guërate bisideque uacáringane piquetaque ome uaque.



Que toguírase arña ujetiga ayorérique ipesutique cucha
uñeque chiborátarásaja uté gosi úringárique piquetaque.

Enga qui tu gu jetiga jé ca uñeque chosi riji gaté ga
chojningárasa ome dajoyaquéode: "Dupade chiqueta yu gu
yátegoningáne udore."

Romános 10:9,10 Jecute yocacajnaquéode quigode chósi
tome uaque: Ujetiga atata uje "Jesús u Pangarádejnai"
ome babijnani uté iji bojode ayoré edominone, enga
banguretápo rĩ iji báyipie uje Dupade chiringare Jesús uté
iji úringai toque, enga a báringai piquetaque jogadi u jne
ome Dupade.

U gu uje gosi changureta iji dáyipie, enga Dupade cho
ayoré ujñapetáguiji uté; enga uté gosi chatata danguretigai
uté iji dojode ayoré ore edominone, enga jé u uje pijógome
dáringai piquetaque.



Juan 3:16,17 Enga Dupade chijnorapise erámi jogosórone ore. Jecute tẽra dajnacare ugurui ome ore. Ujetiga gosi changureta enga gajneque pucuecaringué eyúgojmai iji deréjnane jnese. Enga a ca chimo Dupade ujuyaquédatéi jne ome re.

Dupade que ajéode u ujetiga chiroque dajnacari aja erámi ujetiga cho dajuñame ore. Mu chirógaja erámi gu ujetiga chiqueta ore.



1 Juan 5:11-13 Enga Dupade ojningane cucha u uje
Dupade chisi ome pucuecaringuei iji deréjnane ome
yoque. Enga pucuecaringuei uté jõrai u Ujnacari úringai
pangurete.

Jecute gosi uje Dupade Abi déji gari, enga pucuecaringuei
iji deréjnane dépoji gari to rĩ. Mu ujetiga ca Dupade Abi déji
gosi, enga que gajneque pucuecaringuei to uje déji
Dupade Abi.

Yurusarane unojo gajnengórone u uaque uje
uacanguretáyo Dupade Abi, ujetiga arajáyo to uje Dupade
guerani pucuecaringué gajnengórone u uaque iji
deréjnane jnese.



Génesis 6 – 10

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Ayoreo (ayo) © 2021 Ethnos360

<https://www.bible.com/en-GB/bible/2825/GEN.1.AYORE>

©2025 Bible for Children, Inc.

www.M1914.org

www.bibleforchildren.org

